

Ho jun n̄i v̄ahũ na ó o Poole túara n̄n o Timotee yi

V̄ahũ túaró n̄hũ

P̄ahũ na ó o Poole wee túa ho v̄ahũ na kà yi ká a wi ho kàsó yi ho Oroomu yi. O lò h̄ia wee be (2.9) à n̄pue na à séení a mún m̄ia (4.16).

B̄io ó o Poole mu wee leéka le mí h̄úmú wà b̄ueé s̄arà, ó o bánbáa ò o kenía o Timotee na ó o wa làa s̄obéε. O Poole wee dé le Dónbeenĩ b̄arákà o Timotee mu b̄io yi. O wee hení na a yi le o f̄ará đ̄in mí s̄idéró o *Krista yi wán, à bánbá wé sá le Dónbeenĩ b̄in-tente bueró tonló, h̄arí ká 6a n̄pua wee beé o lò ho tonló mu s̄aró b̄io yi (1.1–2.13).

O Poole pá b̄inía b̄ia n̄n wo yi le o h̄è 6a n̄pua na wa h̄a b̄in-conconwà b̄ioró. Lé b̄io á mu yí m̄aa na à le Dónbeenĩ tonló va làa yahó, ò o b̄ia n̄n o Timotee yi le o wé làa b̄io mínén wee wéráa, à lá ho t̄iá poni, lè le waminĩ, lè ho ten liin̄ló đ̄aní. O mún b̄ia n̄n wo yi le o yí n̄nsã ho k̄aránló tente na ó o yú b̄io yi (2.14–4.5).

Ho v̄ahũ véení ó o zéenia b̄io ó orén mí b̄εεre lò bonnáa, làa b̄io le Dónbeenĩ séeníanáa wo o lònbee yi (4.6-18).

Le t̄en̄ti

¹ Mu lé ínén Poole, ȳia le Dónbeenĩ lè mí s̄i b̄io á wó á ĩ lé o Yeesu *Krista tonkaro lé mi wee túa ho v̄ahũ na kà. Le tonkaa mi le ĩ b̄ue le muk̄anĩ binbirĩ na m̄aa vé b̄io, đ̄io le Dónbeenĩ dó mí j̄ii le

mí ì na wɛn wa páaníló là a Yeesu Krista bïo yi. ² I wee túa ho á à na ùnén Timotee na lé í za na í wa làa sòobéé yi. Le o Maá Dónbeení lè wa Núhúso Yeesu Krista wé mu sãamu làa fo, à zún ù màkárí, à na ho hээрà foñ.

O Poole wee heni a Timotee sɔi

³ I wee dé le Dónbeení bárakà, dén na á ì wee sá na yi lè le yi na wee ce làa bïo á wàn maáwà fù wee sá nanáa le yi bïo síi. Le wisoni lè ho tɛnàahú ká í wee fio, à ì mún wé fio na foñ. ⁴ Hen ká í wee leéka le wéé na fo wá bïo pãahú na á ì wà día fo yi, à ì síi vá làa sòobéé à ì bíní mi ù wán à zãmaka mu bïo yi. ⁵ I mún wee leéka bïo á fo dóràa ù síi lè ù sòobéé o Yeesu *Krista yi bïo. Dén síidéro so na kera mɛn bùaa Loyiisi lè mɛn nu Eniisi yi, á ì láa le lé dén bàn síi mún wi ùnén yi. ⁶ Lé bɛn nɔn á mu bïo wéró pànká na le Dónbeení nɔn foñ pãahú na á ì bò í níní ù wán yi, á ù wíoka dé sòobéé yi. ⁷ Mu bon, le Dónbeení Hácírí na le nɔn wɛn yínɔn záníi Hácírí, ká le màhã wee na ho pànká wɛn, á wee wé à wa waí ɓa nùpua, à mún dàñ waten ɓua yi.

⁸ Awa, á ù yí n̄yi o Núhúso bïo bíoró yi, à ù mún yí n̄yi bïo á ìnén wi ho kàsó yi bïo yi. Ká ù tà à wa páaní le lònbee yi le Dónbeení bín-tente bïo yi, à wé mu lè ho pànká na le Dónbeení nɔn foñ. ⁹ Le Dónbeení mu lé d̄io kánía wɛn á hueekaa wɛn à wa bïo sí le yi. Mu yínɔn wa wén-tentewà bïo yi á le wóràa mu. Mu lé lerén lè mí sãamu kánía wɛn làa bïo le lon le mí ì wéràa mu. Bɛn le fèra wíokaa wa bïo yi o Yeesu Krista pànká yi ká ho d̄im̄j̄ná d̄in̄ yí léra. ¹⁰ Bïo ká wán á mu sãamu mu bïo wáa wee mi wéréwéré, lé bïo á wa kánílo Yeesu Krista ɓuara ɓueé fá mu húmú f̄uhú. O zéenia le ká wa

tà le Dónbeenŕi bŕn-tente bŕo, á wa à yŕ le mukānŕi binbirŕi na máa vé.

¹¹ Inén le Dónbeenŕi léra á wó lè mí tonkaro, á le ŕ bue mí bŕn-tente na 6a nùpua yi à mún kàrán 6a làa de. ¹² Lé bŕn bŕo yi á ŕ wiráa le lònbee na kà yi, á mu nŕyio mún yŕ dú mi, lé bŕo á ŕ zŕ yŕa á ŕ dó ŕ sŕi yi, á ŕ láa mu yi le le dà à pa le bŕn-tente na le kàràfáa miŕ bŕo. Mu bon, le è pa le bŕo fúaa le wizonle na ó o khŕi bŕnŕi ì buen yi.

¹³ Ho tŕiá poni bŕonŕi na á fo nŕá ŕ cŕn á ŕ 6ua, à bè le yi. Wé mu lè le sŕidéró o Yeesu Krista yi à waŕ 6a nùpua ŕ páanŕló làa wo bŕo yi. ¹⁴ Mu bè-tentewà na le Dónbeenŕi kàràfáa fonŕ mí Hácŕrŕi na wi làa wen pànká yi, á ŕ pa bŕo.

¹⁵ Fo zŕ le ho Azii kŕhŕ nùpua na dó mí sŕa le Dónbeenŕi yi cèrèè pŕ mi día. O Fizele là a Hεεμωζεεεε mún wi 6a tŕahŕ. ¹⁶ Le o Nŕhŕso wé mí sŕamu là a Onεzifoore zŕ-nŕhŕ nùpua, lé bŕo ó o wee hŕŕ ŕ sŕi túntún. Bŕo á ŕ wi ho kàsó yi ó o yŕ máa nŕyi bŕo yi 6a nùpua yahó. ¹⁷ Pŕahŕ na ó o 6uara ho Oroomu yi hen ó o bánbáa ò o cànkaa mi fúaa bŕo ó o yú mi. ¹⁸ Le o Nŕhŕso zŕnŕ o màkárŕ nònzonŕ na ó o khŕi 6ueé cítŕ 6a nùpua yi. Fo zŕ le pŕahŕ na á ŕ hŕa wi ho Efeze lóhó yi ó o séenŕa mi làa sòobéε.

2

O ton-sá ko lè mí sàdnŕi

¹ Ká ŕnén na lé ŕ za, wé yŕ ŕ pànká mu sŕamu na ó o Yeesu *Krista wó làa fo yi. ² Bŕo á ŕ kàráanna lè 6a nùpua 6a sèéràsa cèrèè yahó na fo nŕá ŕ cŕn, ŕ bŕnŕi kàrán lè 6a nùpua na láayi wi, bŕa dà à bŕnŕi ì kàrán mu lè 6a 6ú. ³ Le lònbee na wee yŕ o Yeesu Krista ton-sáwá á ŕ tà yi làa bŕo ó o dásŕ tente wee

tàráa le lònbee yi bio síi. ⁴ O dásí na wi ò o bio wé sí mí jùhúso yi wón yí máa wé díá mítén à bè-vio búí bũmaka. ⁵ O nùpue na wi hã penkaa lùwii yi á mún yí dà máa yí bio ko làa wo ká a yí bò 6a lùwílowà làndá yi. ⁶ O v̀aro na wee tà beé mí lò ho v̀aró yi lé yia ko ò o wé o yahón nùpue na á à yí mí lònbee c̀nú. ⁷ Wé v̀a ũ yi bio á ĩ wee bío na foñ wán, ó o Núhúso ò wé á fo ò zũn mu búenbũen kúará. ⁸ Bĩnĩ leéka a Yeesu Krista na v̀era bio, wón na lé o *Daviide m̀nm̀nii. Bũn lé le bĩntente na á ĩ wee bue. ⁹ Lé lerén bĩntente mu bĩo yi á 6a cannáa mi dó ho kásó yi á wee beé lò lòn nùpue na wó khon. Εε ká le Dónbeenĩ bionĩ dén á nùpue yí can. ¹⁰ Lé bũn nɔn á ĩ wee tà le lònbee lè mí síiwà yi bĩa le Dónbeenĩ hueekaa bĩo yi, bèra a na à bán mún kãní 6a páaniló là a Yeesu Krista bĩo yi à 6a dàñ zo a c̀kú na máa vé yi. ¹¹ Le bionĩ na kà láayi wi:

Ká wa ká lòn nùpua na páanía húrun làa wo,
á wa mún ñ yí le mukãní làa wo.

¹² Ká wa wee dàñ hĩ wa sía,
á wa à dí le béenĩ làa wo.

Ká wa pã a,
ó orén mún ñ pí wen.

¹³ Ká wa yí máa wé bĩo ó o le wa wé,
ó orén yí máa yèrè má mí jii.
Mu bon, bĩo ó o karáa ó o yí dà máa lé wán.

Le Dónbeenĩ bionĩ bueró na jii tun

¹⁴ Bío na 6a kèrètíewa yi le 6a bĩnĩ leéka mu bĩowa na kà bĩo, à hení mu na 6a yi le Dónbeenĩ yahó le 6a wé yí dé mítén le wãanĩ na jùhú mĩa yi. Le yí máa séení bĩa wee jí le ká mu yínɔñ 6a yáaró. ¹⁵ Sòobá ũten à wé o nùpue na láayi wi le

Dónbeenĩ yahó. Bua ũten là a ton-sá na yí máa ñiyi mí ton-sánii bĩo yi bĩo síi, à wé bue ho tũíá poni biónĩ. ¹⁶ Hã bín-conconwà làa hĩa bĩo 6úi yí cɛéra le Dónbeenĩ yi à ũ yí dé ũten yi, lé bĩo á bĩa wee dé míten hǎn bióní so síi yi á wee wíoka khèn lè le Dónbeenĩ ká 6a wà. ¹⁷ Bán nùpua so bióní ka lòn cáká na wee bɛɛni. O Himɛnɛɛ là a Filɛte wi 6a nùpua mu tĩahũ. ¹⁸ Ba khèra lè ho tũíá poni lé bĩo 6a wee bío le 6a ñĩ-hía vèera khĩna, à vĩnínáa 6a nùpua à 6a bĩnía a Yeesu món. ¹⁹ Ɛɛ ká le Dónbeenĩ ñipomu bán yí máa dèké yi lòn zii na ñúhũ fára tĩna bĩo síi. Mu túara le zii mu ñúhũ na fára tĩna wán ká síi: «O Nùhũso zũ bĩa bĩo sã a yi». Mu mún túara le: «Bĩa le mí bĩo sã a Nùhũso yi lè mí ñĩ-kéní kéní wãa wé yi wé bè-kohó».

²⁰ O nàfòró 6ànsò zii yi á ho ñĩnló sĩa lè mí síiwà wi yi. Hã 6úi wó lè ho sǎnú, hã 6úi wó lè ho tǎjòn, hã 6úi má lè ho córó, hã 6úi lé hã 6ùɛɛní á 6a tan. Hã 6úi 6a wee sáráa hã wizon-beera yi, ká hã 6úi 6a wee sáráa hã wizon-káamáawa yi. ²¹ Hen ká yĩa wee cèé míten ho kàránló mu ñǎní yi, wón á à keń lòn ñĩnló dèɛ na 6a wee sáráa le wizon-beeni yi bĩo síi. O bĩo á à sǐ mí Nùhũso yi, á bĩo ñúhũ ù keń o cǎn. O wíokaa hã wén-tentewà wéró bĩo yi.

²² Awa, á mu bĩo na yí se na wee vá 6a yàrówá dé mu bè-kohó yi á ũ khènnáa. Bánbá á ũ wé o nùpue na téréna, à sǐdéro le Dónbeenĩ yi fára tĩn, à wań 6a nùpua, à wé à ho héerà keń ũnén làa ba pãahũ. A bĩa sĩa wee ce á wee fio wa Nùhũso yi à mún wé làa bũn bĩo síi. ²³ Hã bín-conconwà bíoró á ũ yí dé ũten yi, fo zũ le mu wee 6uen lè hã warà. ²⁴ O o Nùhũso ton-sá ñǎn yí ko ò o wé tá warà. O ko ò o

wé wé mu tentemu lè ɓa nùpua búenbúen, à wé dàń kàrán ɓa nùpua. O ko ò o wé o nùpue na mu ɓio búenbúen wee kúu yi. ²⁵ Hàrí ɓia yí tà a ɓio ó o pá ko ò o wé wayiráa à kàrán ɓa, jún-sí á le Dónbeenĩ ì wé á ɓa sía á à yèrémá á à tà ho túiá poni ɓio. ²⁶ Le è wé á ɓa à zúń ɓio se, á à fee mítén o *Satáni níi yi, wón na ka lòn dádá na lá vún ɓa á ɓa wee wé o síi ɓio.

3

Mu ɓiowa na khii wé á ho d̄tm̄ɲá à véráa

¹ Zúń mu, le ká mu ɓio búenbúen véro khii wà ɓueé dā, á le lònbee á à keń làa sòobéε. ² Lé ɓio mu pāahũ ká ɓa nùpua wé è cà mí kùrú ɓio mí dòn. Ba à wań le wáří á à poń mu ɓio búenbúen. Ba wé è khòní mítén, á à yòní mítén. Ba wé è bío hā bín-kora á à léé le Dónbeenĩ yi. Ba zàwa máa wé è jí mín nùwā bioní. Ba nùpua á à wé ɓa bè-yízúńlowà. ɓio lé le Dónbeenĩ ɓio á ɓa máa wé è dé kònbii yi. ³ Ba máa wań mín nùpua. Ba máa wé è zúń nùpue màkárí. Ba wé è yáa ɓa nùpua yènnáa. Ba máa wé è dàń mítén máa ɓua yi, ɓa à wé ɓa n̄-sūmáa, ɓio se á ɓa máa wań. ⁴ ɓia làa ba lé le jii á ɓa wé è lé món. Ba máa wé è le mí yiwa máa wéráa mu ɓio. Ba à wé ɓa khònlowà, ɓa à wań mí sía ɓio á à poń le Dónbeenĩ. ⁵ Ba wé è ɓua mítén lè ɓa wee wé ɓio sí le Dónbeenĩ yi, à le pànká ɓa jòn yí tà ɓio. Bán nùpua so á ũ khènnáa. ⁶ Ba nùpua mu t̄ahũ ɓa ɓúi wé è lé yi á à zo hā zíní, á zoó khà ɓa hāawa ɓúi na síadéro yí fára yí t̄ina, á sú lè mu bè-kora, à ɓa yèrémá bè ɓa bioní yi. Ba hāawa mu sía wee vá mu ɓio na yí se lè mí síwà wéro yi. ⁷ Ba wee kení mítén féεε ká ɓa màhã yí dàńna yí zūna

ho tũíá poni. ⁸ Bán nùpua so yí tà ho tũíá poni bïo làa bïo ó o Zanεεsi là a Zånβεεεsi* hĩa yí tàráa o *Moyiize bïo bïo síi. Ba yilera yí se, 6a yí dó mí sĩa sese le Dónbeenĩ yi. ⁹ Εε ká 6a bïo màhã máa va làa yahó lé bïo 6a nùpua búenbúen zũ le 6a vũnun làa bïo ó o Zanεεsi là a Zånβεεεsi vĩló bïo hĩa zũnanáa bïo síi.

Bïo 6a kenía làa fo, á ù 6ua sese

¹⁰ Εε ká ùnén wón zũ bïo á ï wee kàrán là 6a nùpua, á zũ bïo á ï wee 6ua là ìten. Fo zũ ï tonló jũhũ, á zũ bïo á ï dóráa ï sïi le Dónbeenĩ yi. Fo mún zũ bïo á ï wee hĩnáa ï sïi làa bïo á ï waráa 6a nùpua. Fo zũ bïo á ï wee jĩnáa ï yi. ¹¹ Bïo 6a nùpua jĩnĩanáa ï sãnía, á beéra ï lò ho Antiosi là ho Ikoniyuumu, là ho Lisitere lórá yi, á fo zũ. Mu bon, 6a 6èntĩn beéra ï lò làa sòobéε. Εε ká wa Núhũso màhã kãnía mi mu búenbúen yi. ¹² Bĩa búenbúen na wi 6a 6ua míten à héha làa bïo le Dónbeenĩ sïi vá yi wa páaníló là a Yeesu *Krista bïo yi, bán 6a à beé lò. ¹³ Ká 6a ñĩ-sũmáa là 6a sabĩn-fũaalowa, bán sũnsũmámu là 6a sabĩoní wé è dé wán ká mu wà. Ba à vĩnĩ 6a nùpua, á 6a nùpua mún ñ vĩnĩ 6arén. ¹⁴ Ká ùnén, bánbá à ù wé bè bïo á fo kenía yi, à tà mu yi là ù sïi búenbúen. Ùnén ù βεεre zũ bĩa kenía mu làa fo. ¹⁵ Le Dónbeenĩ bíonĩ vũahũ á fo zũ bïo hàrí ù háyónmu yi. Lé lerén dà à na mu bè-zũnminĩ binbirĩ fon, bïo á fo dà à bè yi á à dérãa ù sïi o Yeesu Krista yi á à kãnínãa. ¹⁶ Le Dónbeenĩ bíonĩ vũahũ á túara là lerén mí βεεre Hácírĩ pánkã. Le bíonĩ mu bïo jũhũ wi làa sòobéε. Lé lerén wee kàrán o nùpue, á wee wé ò o pĩ bïo yí bon, lé lerén wee bé o nùpue, le mún wee wé ò o

* 3:8 Mi loń Léró vũahũ (Exode) 7.11-12

wé wé bïo téréna. ¹⁷ Lé bñn ñ na ká le Dónbeenĩ nùpue á à dàñ wé è wé hã wára na se.

4

O Poole mǎndén bio na ó o henia

¹ Bïo ká lé bïo á ï wee hení ñ na foñ lè le sòobée le Dónbeenĩ yahó, là a Yeesu *Krista yahó, wón na khíi buen bueé cítí ba yèn-vèeniasa lè ba ñi-hía á mún bueé dí mí béenĩ. ² Hàrí ho pãahũ wé se loo, à ho yí wé se loo, à ù wé bue le Dónbeenĩ bíonĩ. Bĩa wé wó khon à ù zéeni ba wékheró bïo na ba yi, à hení mu na ba yi le ba día mu bè-kora wéró. Wé hení ba sía. Bñn búenbúen á ù wé ñi ù yi à wé kàrán ba. ³ Lé bïo á pãahũ búí khíi dǎ ká ba nùpua máa wé è jí bĩa wee kàrán ba lè ho tũíá poni cón, ká ba wé è wé bïo sí ba yi, á wé è jí ba ñi-kàránlowà cèrècè na bïo yí bon cón. ⁴ Ba à pí ho tũíá poni bïo ká ba à bè hã sabíoní món. ⁵ Èé ká ùnén wón zũn ùten buaró mu bïo búenbúen yi, tà le lònbee yi. Wé bue le Dónbeenĩ bín-tente na ba nùpua yi. Sá ho tonló mu sese làa bïo mu koráa.

⁶ Ká ìnén wón húmú sùaráa, ì ka lòn yia na ba yan lè le muinĩ vó. ⁷ Ì sá a Yeesu Krista tonló lè ì síi búenbúen lòn nùpue na san ho saró lè mí sòobée. Bïo le Dónbeenĩ le ì wé á ï wó á mu ñii sú lòn nùpue na lùwa vaá dñn hen na ó o ko ó o vaa dǎ yi. Ì síidéro o Yeesu Krista yi á ï yí día. ⁸ Bïo ká wán á ho cñnú na ko làa mi bïo á ï wó bïo téréna bïo yi, á bàrà pan mi ho wáayi. O Nùhũso na lé o cítí ñ na téréna á à na ho cñnú mu miĩ pãahũ na ó o khíi cítí ba nùpua yi. Mu máa wé ìnén ì dòn ó ò na ho cñnú yi, ká bĩa búenbúen na wee lòní a bñní buenló ó o mún ñ na ho yi.

O Poole wi ò o Timotee buen o cón

⁹ Bánbá à ù buen í cón fùafùà. ¹⁰ Lé bïo ó o Demaasi wà ò o díá mi á van ho Tesaloniiki lóhó ho òmíná bïowa na ó o wa bïo yi. O Keresán wón wà van ho Kalasii kōhū, ò o Tiite bèn van ho Dalamatii kōhū. ¹¹ O Luki mí dòn lé yía wi hen làa mi. Hen ká fo bò o buen à ù fé o Maaki buennáa, lé bïo ó o dà wee séení mi ho tonló yi. ¹² O Tisiiki wón á í tonkaa ó o van ho Eféze. ¹³ Fo bò o buen à ù buee lé ho Torowaasi yi à ù lá í báká beení na á í díá o Kaapuusi cón gua buennáa. Fo bò o buen à ù mún khuii í vōnna, sōnkú í sōnna na ho túaró wi wán. ¹⁴ O Aleksāndere na lé o kháa-liki bētín wó khon làa mi dàkhíina. Le Dónbeení á à sàání a yi á à héha làa bïo ó o wó. ¹⁵ Ūnén mún pa ūten bïo lé bïo á bïo wa wee kārán lè ba nùpua ó o yí tà bïo hùúu. ¹⁶ Bïo ba nín-yání guan mi vannáa le cítíi finíi, á hàrí nùpue yí buee tà í jii, ba búenbúen pǎ mi díá. Le le Dónbeení sén mu díá na ba yi. ¹⁷ Ée ká a Núhúso wón pan í bïo á nòn ho pànká mií á í bueraráa o bíoní á bïa yí zū le Dónbeení cèrèe ná le. Lé orén kǎnía mi ba kúdenwà yi. ¹⁸ O Núhúso á à kǎní mi mu bè-sūmáa búenbúen yi. O ò kǎní mi á í keń ho wáayi o bá-zàmu yi. Le ho cùkú à bïo sǎ a yi féee hǎ lúlúio na jii mía yi. *Amiina!

Le mǎndén tēení

¹⁹ Í wee tēení a Pirisiie là a Akilaasi yi. Í mún wee tēení a Onzifoore zǐ-júhú nùpua yi. ²⁰ O Erasiite wón kará ho Korēnte yi, ká a Torofimu wón á í díá ho Milee yi lé bïo ó o lò yí here. ²¹ Bánbá à ù buen ká le tēení òn yí hínòn.

O Ebuluusi, là a Pudẽnsi là a Linuusi là a Kolodia
lè wàn zàwa lè wàn hínni kèrètíewa na wi hen
búenbúen wee tẹnń foń.

²² Le wa Núhũso kẹń làa fo, le o wé mí sãamu làa
mia.

Dónbeenì páaní fīnle vūahũ
New Testament in Buamu (UV:box:Buamu)

copyright © 2012 Wycliffe Bible Translators, Inc.

Language: Buamu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Buamu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 30 Dec 2021
331a1641-e36a-5300-8cb1-c9476fcef9bf